

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 15.05.2018թ. թիվ 1808044475 որոշումն անփոփոխ, իսկ վարչական բողոքն առանց բավարարման թողնելու մասին

<<03>> 04 2018թ. 17-13-66202-18/17-13-6020

ք. Երևան

«Ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Արմինե Սարգսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Ավան վարչական շրջանի Չարենց թաղամասի 16-րդ շենքի 51-րդ բնակարանի բնակիչ Արմինե Սարգսյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 15.05.2018թ. թիվ 1808044475 որոշումը՝ նշելով, որ իրավախախտումը թույլ է տրվել Երևան քաղաքում տեղի ունեցող ցույցերի պարճառով:

Դիմումի քննարկման և տեղանքի լրացուցիչ ուսումնասիրման արդյունքում պարզվել է, որ դիմումատուի փաստարկը չի համապատասխանում իրականությանը և ճանապարհային ոստիկանության վարչական տույժ նշանակելու մասին 15.05.2018թ. թիվ 1808044475 որոշումն օրինական է և հիմնավոր, քանի որ Երևան քաղաքի Գայի – Ստեփանյան փողոցների խաչմերուկի հատվածը կահավորված է 5.15.2՝ «Երթևեկության ուղղությունները գոտիներով» ճանապարհային նշանով, իսկ դիմումատուն 29.04.2018թ-ին ժամը՝ 13:21-ին նշված վայրում միայն ուղիղ թույլատրող երթևեկության գոտուց երթևեկել է ծախ, հետևաբար թույլ տրվել Վարչական իրավախախտումների վերաբերյալ «Օրենսգրքի 124-րդ հոդվածի 1-ին մասով նախատեսված արարք:

Ինչ վերաբերվում է դիմումատուի պնդմանը՝ ապրիլի 13 - 25 ընկած ժամանակահատվածում փոքր խախտումների չարձանագրման հանգնարարականի վերաբերյալ, ապա ոստիկանության պաշտոնական կայքում առկա հայտարարության համաձայն՝ «Ոստիկանության պետը Ճանապարհային ոստիկանությանը հանձնարարել է կարճել 2018 թվականի ապրիլի 13-ից 25-ն ընկած ժամանակահատվածում երթևեկության անվտանգության ապահովման մասին օրենսդրության խախտումների հիմքով հարուցված վարչական վարույթները: Խոսքը վերաբերում է միայն այն իրավախախտումներին, որոնք հայտնաբերվել են տեսանկարահանող սարքերով և կատարվել են հավաքների ընթացքում ճանապարհների երթևեկությունը դիտավորությամբ խոչընդոտելու կամ ճանապարհները փակելու հետևանքով: Վարչական վարույթները կարճվելու են Վարչական իրավախախտումների վերաբերյալ «Օրենսգրքի 17-րդ և 27-րդ հոդվածներով նախատեսված իրավակարգավորումների հիմքով:

Ելնելով վերոգրյալից և ղեկավարվելով Վարչական իրավախախտումների վերաբերյալ «Օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 15.05.2018թ. թիվ 1808044475 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել «Վարչական դատարան» օրենքով սահմանված կարգով և ժամկետներում:
3. Սույն որոշման օրինակն ուղարկել Արմինե Սարգսյանին:

